



Prijedlog

Na osnovu člana 24. Statuta općine Gradačac („Službeni glasnik općine Gradačac” br. 4/08, 5/12 i 1/17), Općinsko vijeće općine Gradačac na ___ sjednici održanoj dana _____ 2017. godine, donosi:

ODLUKU
o davanju naknadne saglasnosti za realizaciju Projekta rekonstrukcije (rehabilitacije)
lokalne ceste Kerep-Međida Gornja, dionica Međida Donja (faza II)

Član 1.

Daje se naknadna saglasnost za realizaciju Projekta rekonstrukcije (rehabilitacije) lokalne ceste Kerep-Međida Gornja, dionica Međida Donja (faza II- rekonstrukcija lokalnog puta kroz naseljeni dio Donje Međide i izgradnja trotoara u dužini od 1800 m).

Član 2.

Vrijednost radova na rekonstrukciji (rehabilitaciji) dionice iz člana 1. sa PDV-om iznosi ukupno 582.460,11 KM.

Način finansiranja je regulisan Sporazumom o rekonstrukciji (rehabilitaciji) lokalne ceste Kerep-Međida Gornja, zaključenom dana 28.05.2013. godine između Općine Gradačac i Građevinskih odbora mjesnih zajednica Međida Donja, Međida Srednja i Međida Gornja.

Član 3.

Za realizaciju i praćenje Projekta rekonstrukcije (rehabilitacije) lokalne ceste Kerep-Međida Gornja, dionica Međida Donja (faza II), zadužena je Općinska služba za urbanizam, investicije i komunalne poslove općine Gradačac.

Član 4.

Ova Odluka stupa na snagu danom donošenja i objavit će se u “Službenom glasniku općine Gradačac.”

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće -

Broj: _____
Gradačac, _____ 2017. godine

PREDSJEDAVAJUĆI
OPĆINSKOG VIJEĆA

Šakić Enir, s.r.

O B R A Z L O Ź E N J E
**prijedloga Odluke o davanju naknadne saglasnosti za realizaciju Projekta rekonstrukcije
(rehabilitacije) lokalne ceste Kerep-Međida Gornja, dionica Međida Donja (faza II)**

Rješenjem br.01-05-163/13 od 29.05.2013. godine kojim je Općinsko vijeće Gradačac dalo saglasnost na Sporazum o rekonstrukciji (rehabilitaciji) lokalne ceste Kerep-Međida Gornja, ustanovljena je obaveza Općinskom načelniku da preduzima radnje iz Sporazuma o saradnji sa potpisnicima.

U skladu sa Sporazumom realizovan je projekat u fazama od Međide Gornje do Međide Donje, u 2014., 2015. i 2016. godini.

Građani MZ Međida Donja, u skladu sa navedenim Sporazumom, obezbijedili su učešće u visini od 20 % novčanih sredstava za realizaciju ove dionice ceste (faze) i ista uplatili na račun Budžeta.

Imajući u vidu naprijed navedeno i zahtjeve građana MZ-e, pristupilo se provođenju postupka javne nabavke za izvođenje radova na realizaciji ove dionice ceste (faze).

U Budžetu općine Gradačac obezbijedena su sredstva, kao i planirana predmetna dionica rekonstrukcije ceste (faza), utvrđena i u Programu izgradnje i rekonstrukcije lokalnih i nekategorisanih cesta i ulica na području općine Gradačac za 2017.-2020. godinu, koji je donijelo Općinsko vijeće Gradačac na sjednici održanoj dana 30.06.2017. godine (objavljen u „Službenom glasniku općine Gradačac” br. 6/17).

Shodno naprijed navedenom, kao i pravnom mišljenju Općinskog pravobranioca da je potrebno pribaviti i saglasnost Općinskog vijeća za predmetnu dionicu (fazu), utvrđen je prijedlog Odluke kao u tekstu.

OBRAĐIVAČ
Općinska služba za urbanizam,
investicije i komunalne poslove

PREDLAGAČ
mr.sci. Edis Dervišagić, Općinski načelnik